


## Kata Pengalo – ngalo ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Minggu enda igelari Minggu Palmarum, eme Minggu si mabai kita nginget Tuhan Jesus si bengket ku Jerusalem alu ngersak kelede. E tandana maka kerehenNa mbaba dame. Kalak si enterem ngalo-ngalo IA, dengen ersurak “Hosana”, si ertina ***Bereken Kehamaten Man baNa Si reh i bas Gelar Dibata.*** Ate Jesus gelah sitandai IA Si mbebasken manusia i bas iketen kuasa dosa nari. Mari dage sipersikap dirinta guna ngelai Tuhan Si meteruk rukur Si mbaba keterkelinenta manusia.

**Erkata Lonceng**

*(Perp. Tedis)*

**Rende**

**KEE No. 140 : 1, 2, 3** *(Serayan Kebaktin Bengket Ku Mimbar)*

**Kebaktin Minggu, 29 Maret 2026**  
**Minggu Passion VII/Palmarum : Lambe**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa si mada kegeluhen tinepaNa, i bas gelar AnakNa Jesus Kristus si tetap nampati manusia i bas kerina kegeluhenna, ras i bas gelar Kesah si Badia si mpegehi manusia ernalem man baNa. Perkuah ate ras dame i bas Dibata Bapa, i bas Tuhan Jesus Kristus nari ras i bas kerembaken Kesah Si Badia, ras kita kerina gelah. Amin.
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen ras Sura-Sura Dibata (Invocatio)</b>
L	“Ketuahen me kam adi erkite-kiteken kam ajar-ajarKu igombang-gombangi, ipesega-sega dengen ipelawes kalak kam janah alu kata guak ipal itkenna si jahat man bandu” (Matius 5 : 11).  Mari radu ras kita muji Tuhan alu rende : <b>KEE No. 364 : 1, 2</b>
<b>5</b>	<b>Pengakun Dosa</b> <span style="float: right;"><i>(Perp. Kundul)</i></span>
L	Dibatanta enggo reh nelamatkan kita i bas kuasa dosa nari. Adi sitare ku bas pusuhta, kuga nge ketutusenta ngakuken Jesus jadi Raja ras Juru Selamatta?
P	Ngaku kami Tuhan, megati kal pengakun kami, lenga sendalanan ras perukuren bage pe perbahanen kami. Megati denga pemeteh si bereken doni enda, jadi raja singaturken kegeluhen kami. O Tuhan, alemi kal kami.
L	Ieteh Dibata kap, maka erbaleng kal gegeh ras kepentaren guna ngaturken kegeluhenta. Emaka reh IA jadi Raja si mabai manusia ndalani kegeluhen si mehuli.
P	Ngaku kami o Tuhan, megati denga kami irintak sura-sura doni, guna majekken kinirajan kami. Sura-suraNdu enggo tambur ibahan sura-sura kami. O Tuhan, alemi kel kami. Sampatilah kami o Tuhan, gelah ngasup kami ngidah sura-suranduh reh ndahi kami ku doni enda.
L	Mari tole siakuken dosanta arah ende-endenta : <b>KEE No. 394 : 1, 2, 3, 4</b>

6	<b>Berita Pengalami Dosa</b> <span style="float: right;"><i>(Perp. Tedis)</i></span>
L	<p>Selaku persuruhan Dibata, aku nehken kataNa man banta, niNa :  <i>“Kam enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas” Amin.</i>  <i>(Jesaya 1 : 18b).</i></p> <p>Malem me ateta, sabab enggo ialemi Dibata dosanta, e maka sipuji IA arah ende-endenta : <b>KEE No. 454 : 1, 2, 3</b></p>
7	<b>Kata Dibata</b> <span style="float: right;"><i>(Perp. Kundul)</i></span>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>Masmur 99 : 1 - 7</b>. Mari siogeken secara pegancih. Sibenaken pengogenta .....</p> <p style="text-align: center;"><b><u>TUHAN kap Raja si Meganjangna</u></b></p> <p>99:1 L TUHAN kap raja, manusia nggirgir. IA kundul i bas kursi kinirajanNa i babo kerubim doni pe mugur-ugur.</p> <p>99:2 P Mada Kuasa kal TUHAN i Sion, IA kap ngkuasai kerina bangsa-bangsa.</p> <p>99:3 L Kerina kalak muji gelarNa si mulia medolat, Badia kap IA!</p> <p>99:4 P O TUHAN, Kam kap Raja si mbisa; ngena ateNdu kebenaren, enggo ipajekkenNdu kinibujuren, kinibujuren ras kebenaren idalankenNdu i Israel.</p> <p>99:5 L Pujilah TUHAN, Dibatanta, nembah erjimpuhlah i adep-adepen kursi kinirajanNa, Badia kap IA!</p> <p>99:6 P Musa ras Harun kap imamna, Samuel e me kap kalak si tutus ertoto man baNa, erlebuh ia man baNa janah idengkehkenNa pertotonna.</p> <p>99:7 L I bas binangun embun nari ngerana IA man kalak kerina, ipatuhina kerina perintah-perintahNa.</p>
	<p style="text-align: center;">Ketuahen kalak si megiken kata Dibata, dengen si makekenca ibas geluhna si teptep wari, Hosiana.  Ialoi perpulungen alu ngendeken :  <i>Hosiana .... Hosiana .... Hosiana ....</i></p>

b	Ertoto guna Khotbah
c	Khotbah : <b>Lukas 19 : 28 - 40.</b> Tema : <b>“Raja si Reh I Bas Gelar Tuhan ”</b>
d	Ertoto kenca khotbah
<b>8</b>	<b>Pengakun Kiniteken</b> <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>9</b>	<b>Persembahen</b> <i>(Perp. Kundul)</i>
L	<p>Kata Dibata kerna Persembahen : “O senina-seninangku, nginget perkuah ate Dibata si mbelin si isehkenNa man banta, kupindo man bantu :</p> <p><i>“Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur”</i> <i>(Roma 12 : 1).</i></p> <p>Tupung si endesken persembahenta ras kita rende i bas :</p> <p><b>KEE No. 343 : 1, 2, 3</b></p> <p>Pertoton Persembahen ras Syafaat</p> <p><b>KEE No. 299 : 1, 2</b> <i>(Ngawan)</i></p> <p><b>KEE No. 422 : 1, 2, 3</b> <i>(Persembahan ku lebe)</i></p>

<b>10</b>	<b>Perpadanen Man Dibata</b> <span style="float: right;"><i>(Perp. Tedis)</i></span>
L	Jesus enggo reh jadi Raja ku bas kegeluhenta. IA me raja si erkuasa, dengen ndigan pe la IA tertaluken doni enda. I bas IA me kita mejuah-juah dengen terkelin.
P	Ateku tetap ngerajaken Jesus i bas geluhku, gelah lanai aku talu i bas kuasa dosa.
L	Jesus enggo reh jadi Raja Si mbebasken manusia i bas kuasa dosa nari, i bas perukuren si baci encedai. Akukenlah IA jadi Raja i bas geluhndu ras saksikenlah kiniulinNa e.
P	Meriah ukurku erkiteken enggo ku idah pendahin Tuhan si enggo mulahi aku i bas kuasa dosa nari. Kusaksiken me Jesus, jadi raja i bas perukuren ras perbahanenku.
L	Mari si peteguhi perpadanenta alu ras kita rende : <b>KEE No. 388 : 1, 2, 3</b>
<b>11</b>	<b>Pertoton Tuhan</b>
<b>12</b>	<b>Pengutusen ras Pasu-pasu Dibata</b>
L	Turang ras senina kekelengen Tuhan, bengketilah ku bas kegeluhenndu, tetaplah inget kebujuuren ras perkuah ate Dibata si mbelin guna keselametenndu, lakokenlah kata Dibata si enggo si begikendu, dengen alokenlah pasu-pasu Tuhan : <i>“Dibata simada perkuah ate, singgo nenahken kam ku kemulianNa sirasa lalap i bas Kristus, njadikan kam serta, tetap megegeh dengen paguh. Sabab IA nge simada kuasa seh rasa lalap masu-masu kam.” Amin.</i>
	Ialoi perpulungen alu ngendeken :  A..min  A....min  A .....min
	<b><i>SELAMAT HARI MINGGU/SYALOOM ...</i></b>